

CNS0510

U GE 10-07 00165 BH586

aab

Mahathir-Dagang

KUALA LUMPUR, 10 Julai (Bernama) -- Perdana Menteri, Datuk Seri Dr Mahathir Mohamad hari ini berkata arah aliran yang meningkat untuk membuat perubahan dasar dengan memudah dan melonggarkan lagi peraturan dalam ekonomi dunia menjadikan amat penting bagi Malaysia meningkatkan lagi kecekapan dan daya saingannya.

Katanya, kini terdapat arah aliran yang meningkat untuk membuat perubahan dasar dengan memudah dan melonggarkan lagi peraturan serta meningkatkan pergantungan kepada sektor swasta dan kuasa pasaran bagi menentukan penggabungan sumber ekonomi.

+Perkembangan ini secara keseluruhannya akan meningkatkan kecekapan ekonomi dunia dan dijangka menyumbang ke arah kemajuan perdagangan antarabangsa,+ katanya ketika membentangkan usul mengenai Rancangan Malaysia Keenam (RMK) di Dewan Rakyat di sini.

Walaupun sebagai sebuah negara ekonomi terbuka Malaysia akan mendapat faedah daripada perkembangan ini, namun negara perlu meningkatkan lagi kecekapan dan daya saingan dalam pasaran dunia.

Datuk Seri Dr Mahathir berkata memandangkan Malaysia mempunyai ekonomi terbuka, prospek ekonominya akan dipengaruhi oleh perubahan-perubahan ekonomi antarabangsa. -- lagi

♥10/07/17-44MST

CNS0519

U GE 10-07 00133 BH587

aab

Mahathir-Dagang 2 Kuala Lumpur

Akaun semasa imbangan pembayaran dan belanjawan Amerika Syarikat yang terus berada dalam keadaan defisit merupakan perkara yang masih membimbangkan Malaysia, katanya.

Masalah defisit ini serta permintaan sumber pembiayaan yang meningkat untuk membiayai pelaburan di negara-negara membangun dan perkembangan yang sedang berlaku di Eropah Timur akan menyebabkan tekanan ke atas permintaan dan kos pembiayaan pelaburan.

Masalah lain ialah meningkatnya dasar perlindungan sesetengah rakan perdagangan tradisional Malaysia berikutan perbezaan kadar pertumbuhan produktiviti di kalangan dan antara negara-negara perindustrian utama serta ekonomi perindustrian yang berkembang pesat, katanya.

Kecenderungan untuk mengamalkan dasar perdagangan dua hala dan mewujudkan blok perdagangan terutama di kalangan negara perindustrian serta masalah yang dihadapi dalam Perundingan GATT Pusingan Uruguay, turut mengancam suasana perdagangan terbuka, katanya. -- Bernama

♥10/07/17-54MST